

<p>“AUDIT-HISOB MARKAZI” аудиторлик ташкилоти</p> <p>Ўзбекистон Республикаси Молия вазирлигининг рухсатномасига эга бўлган Аудиторлик ташкилотлари 07.06.2021 й. № 31 реестрига кирган.</p>	 <p>AUDIT-HISOB MARKAZI</p> <p>AUDITORLIK TASHKILOTI</p>	<p>АУ в форме ООО “AUDIT-HISOB MARKAZI”</p> <p>Включён в реестр от 07.06.2021 г. № 31 аудиторских организаций, имеющих разрешение Министерство финансов Республики Узбекистан</p>
---	--	---

**«XORAZM KAFOLAT SAVDO» АЖ**  
таъсисчилари ва раҳбариятига

**«XORAZM KAFOLAT SAVDO» АЖ** ва унинг таркибидаги шуъба, унитар корхоналари ва  
Масъулияти чекланган жамиятларининг  
2022 йил 31 декабр санасига тузилган умумлашган (консолидацияланган) молиявий ҳисоботлари  
юзасидан  
**АУДИТОР ХУЛОСАСИ**

Фикр

Биз «XORAZM KAFOLAT SAVDO» АЖ ва унинг таркибидаги куйидаги шуъба, унитар корхоналари ва масъулияти чекланган жамиятларининг молиявий ҳисоботларидан иборат (консолидацияланган) умумлашган молиявий ҳисоботлари ва у билан боғлиқ ахборотлар аудитини ўтказдик:

Т/Р	Шўба, унитар ва МЧЖ корхоналар номи	СТИР
1	“Xonqa Kafolat Savdo” Унитар Корхонаси	301395631
2	“Pearl Khiva” Унитар Корхонаси	302582518
3	“Xiva кафолат-стар» МЧЖ	200206820
4	“Xiva oshpaz” Унитар Корхонаси	200206837
5	“Qo'shko'pir umumiy ovqatlanish” Унитар Корхонаси	200217768
6	“Hazorasp Savdo” Унитар Корхонаси	200417645
7	“Qo'shko'pir non” Унитар Корхонаси	302371724
8	“Gurlan umumiy ovqatlanish” Унитар Корхонаси	200421301
9	“Gurlan oziq-ovqat maxsulotlari ishlab chiqarish” У Қ	201281642
10	“Gurlan Savdo” Унитар Корхонаси	200420674
11	“Urganch umumiy ovqatlanish” Унитар Корхонаси	200981064
12	“Monoq Savdo” Унитар Корхонаси	200422054
13	“Qo'shko'pir Savdo” Шўба Корхонаси	200217783
14	“Nurli zamin yoshlari” оромгоҳи МЧЖ	302275280
15	“Yangiariq Savdo” Унитар Корхонаси	200215525
16	“Yangiariq mash'al Savdo” МЧЖ	301983644
17	“Yangiariq maxsus Savdo” Унитар Корхонаси	202337762
18	“Yangibozor umumiy ovqatlanish” Унитар Корхонаси	201018856
19	“Yangibozor oziq-ovqat ishlab chiqarish” Унитар Корхонаси	203267063
20	“Урганч савдо” Шўба Корхонаси	200415846
21	Янгиарик «Global-Imkon» МЧЖ	309205536

- 2022 йил 31 декабр санасига тузилган (консолидацияланган) умумлашган “Бухгалтерия баланси”;
- кўрсатилган санада тугаган йил учун тузилган “Молиявий натижалар тўғрисидаги ҳисобот”;
- ҳисоб сиёсати аҳамиятли қоидаларининг қисқача тавсифи ва бошқа изоҳловчи маълумотлар.

Бизнинг фикримизча, илова қилинган (консолидацияланган) умумлашган молиявий ҳисоботлар «XORAZM KAFOLAT SAVDO» АЖ ва унинг унитар, шуъба ва МЧЖ корхоналарининг 2022 йил 31 декабр санасига бўлган молиявий ҳолатини, кўрсатилган санада тугаган йил мобайнидаги унинг молиявий натижаларини барча муҳим жиҳатларда Бухгалтерия ҳисобининг миллий стандартлари (БҲМС) га мувофиқ ҳаққоний акс эттиради.

### **Фикр билдириш учун асос**

Биз аудитни Аудитнинг Халқаро Стандартларига мувофиқ ўтказдик. Ушбу стандартлар молиявий ҳисоботлар жиддий бузиб кўрсатишларга эга эмаслигига етарли даражадаги ишончга эга бўлишни таъминловчи аудиторлик текширувини режалаштиришни ва ўтказишни тақозо этади.

Мазкур стандартларга кўра бизнинг мажбуриятларимиз "Молиявий ҳисобот аудити учун аудиторнинг масъулияти" номли бўлимда баён қилинган.

Биз аудит жараёнида олган аудиторлик далилларини ўз фикримизни билдиришда асос сифатида таяниш учун етарли деб ҳисоблаймиз.

### **Мустақиллик**

Биз аудит қилинаётган корхоналарга нисбатан бухгалтерлар учун ахлоқ стандартлари бўйича Халқаро Кенгаш томонидан профессионал бухгалтерлар учун ишлаб чиқилган Ахлоқ кодексига мувофиқ ва корхоналарнинг (консолидацияланган) умумлашган молиявий ҳисоботлари аудити бўйича ахлоқий талабларга нисбатан мустақил ҳисобланамиз ва мазкур талаблар ҳамда Ахлоқ кодексига тегишли бошқа мажбуриятларни бажардик.

### **Муҳимлик**

Ўтказилган аудиторлик текшируви кўламини аниқлашга муҳимлик даражасини қўллаш ўз таъсирини кўрсатган. Аудит текшириляётган молиявий ҳисобот муҳим бузиб кўрсатишларга эга эмаслиги юзасидан оқилона ишонч ҳосил қилишга йўналтирилган.

Муҳим бузиб кўрсатишлар корхоналар ходимларининг фаолият давомида амалга оширган ноқонуний ҳаракатлари ва хатоликлари натижасида юзага келиши мумкин.

Муҳимлик даражасини аниқлашда биз халқаро амалиётда қўлланиляётган услубиётга асосланган ва аудитор ҳисоботида илова қилинган ҳисоб-китобни амалга оширдик ва корхоналарнинг 2022 йил учун молиявий ҳисоботлари бўйича унинг даражасини тушумга нисбатан 5 % миқдорида белгиладик.

### **Аудитнинг муҳим саволлари**

Аудитнинг муҳим саволлари - булар бизнинг профессионал мулоҳазамизга кўра жорий давр учун тузилган молиявий ҳисоботлар бўйича муҳим аҳамиятга эга бўлган саволлардир. Мазкур йўналишда биз эътиборимизни корхоналарнинг активлари, мажбуриятлари, хусусий капитали, даромадлари, харажатлари, солиқ тўловлари, соф фойдаси ва унинг ишлатилишини ўрганишга қаратдик ва аудитор ҳисоботида бу борада ўз фикримизни билдирдик.

### **Бошқа ахборот**

Аудитни ўтказиш жараёнида текширилган молиявий ҳисоботлар ўртасида муҳим зиддиятлар бор йўқлигини аниқлаш ва корхоналарда конунчиликка риоя қилинишини ўрганиш мақсадида бошқа молиявий ҳамда номолиявий маълумотлар билан танишиб чиқилди ва улар билан молиявий ҳисобот кўрсаткичлари ўртасида муҳим зиддиятлар мавжуд эмаслигига ишонч ҳосил қилинди.

### **Корхоналар фаолиятини бошқариш ва молиявий ҳисобот учун раҳбар шахсларнинг масъулияти**

Корхоналар раҳбариятлари мазкур молиявий ҳисоботни Бухгалтерия ҳисобининг миллий стандартларига мувофиқ тайёрлаш ва ҳаққоний тақдим этиш, шунингдек, фирибгарлик ёки хато туфайли юзага келган муҳим бузиб кўрсатишлардан ҳоли молиявий ҳисоботларни тайёрлаш учун зарур деб ҳисоблайдиган ички назорат тизимини таъминлаш учун жавобгар бўлади.

Бошқарув юклатилган шахслар молиявий ҳисоботни тузиш жараёнида корхона яқин келажақда ўз

фаолиятини узлуксиз давом эттира олиши қобилиятини баҳолаши, тегишли ҳолатларда узлуксиз фаолиятга тегишли маълумотларни очиб бериши учун масъул ҳисобланадилар.

Бунда корхоналарни тугатиш, унинг фаолиятини тўхтатиш ёки бу ҳаракатларни амалга оширмасликнинг бошқача ечими топилмаган ҳолатлар бундан мустасно.

### Молиявий ҳисобот аудити учун аудиторнинг масъулияти

Бизнинг мақсадимиз аудит қилинаётган молиявий ҳисобот ножўя ҳаракатлар ва хатолар таъсиридаги муҳим бузиб кўрсатишлардан холи эканлигига оқилона ишонч ҳосил қилиш ва ўз фикримиз баён этилган аудиторлик хулосасини эълон қилишдан иборат.

Оқилона ишонч ишончнинг юқори даражаси бўлса-да, АХС ларига мувофиқ ўтказилган аудит молиявий ҳисоботда мавжуд бўлган муҳим бузиб кўрсатишларни барчасини аниқлаш имконини бермайди.

Бузиб кўрсатишлар алоҳида ёки жамлама ҳолда мазкур молиявий ҳисобот асосида фойдаланувчиларни иқтисодий қарор қабул қилишларига таъсир кўрсатса, ножўя ҳаракатлар натижаси деб қаралади ва муҳим бўлиб ҳисобланади.

Аудиторлик текширувини ўтказишнинг барча жараёнларида биз АХС га мувофиқ профессионал мулоҳазани қўллаган ва профессионал скептицизмни сақлаган ҳолда ҳаракат қилдик.

Аудиторлик текшируви жараёнида биз куйидагиларни бажардик:

- **XORAZM KAFOLAT SAVDO»** АЖ ва унинг унитар, шуъба ва МЧЖ корхоналари масъул шахсларининг номақбул ҳаракатлари ва хатолари таъсирида молиявий ҳисоботда бузиб кўрсатишларнинг мавжудлиги risks даражаси аниқланди;

- аудит таомилларини белгилаш мақсадида корхонадаги ички назорат тизими тўғрисида тушунчага эга бўлинди;

- корхоналарнинг ҳисоб сиёсатлари ўрганиб чиқилди ва уни корхона фаолиятига мос келиш даражасига баҳо берилди;

- корхоналарнинг фаолиятининг узлуксизлиги борасида раҳбар шахслар берган баҳоларнинг ҳақиқатга мос келиши тўғрисида хулоса қилинди;

- текширилаётган молиявий ҳисобот бўйича фикр билдириш учун етарли аудиторлик далилларининг йиғилганлик даражаси ўрганилди.

- молиявий ҳисобот, унинг таркиби ва мазмуни тўғрисида олинган маълумотларга умумий баҳо берилди ҳамда унинг ҳаққоний тақдим қилинганлик даражасига фикр билдирилди.

Бундан ташқари аудиторлик ёзма ахборотида корхоналар раҳбариятларига корхоналардаги мавжуд ҳисоб ва назорат тизимини янада такомиллаштириш борасидаги тавсияларимизни баён қилдик ва корхоналарнинг молиявий ҳолати таҳлили бўйича амалга оширган ҳисоб китобларимизни тақдим этдик.

**ЭРГАШЕВА З.Э.**

**МЧЖ «AUDIT-HISOB MARKAZI» АТ директори (аудитор)**

(аудитор малака сертификати № 05486, 09.06.2017 йилда  
Ўзбекистон Республикаси Молия вазирлиги томонидан берилган)

Ўзбекистон Республикаси, Қарши ш., И.Каримов, 212/65.

03.05.2023 й.

(имзо, муҳр)

